

OSTATUAN



(BAKARIZKETA)

Iruditegiak aurkestatzen du ostatu bateko bazkagela. Agertzen da Luisacho mai eztalkiya toleztuaz.

¡Zer, zorioneko arkiera izan zan neretzat andre Inaši-rekin baserri gogoangarri artan! ¿Nola aztu nere egun ayetako ibillera negargarri, eta andre Inaši-ren mesede berdiñ gabekoa? Beti gogoan idukiko ditut bakartasun arrimo gabeko, izaera mingarrizko egun nekoso ayek. Mayaren erdiyan tolezturik usten du mai eztalkiya.) ¡Zer gaizki arkitu nitzan iñoren laguntza gabe! Bañan, nere otoitz aingeru zaitzalleari biyotzaren aginpidez egintako ark, ordaiñ aundiya izandu du zerutik.

Andre Inaši-k ekarri ninduen eche on maitagarri ontara, zeñatan bizi naizen geroztik, chit ederki eta opakirozko biyotz on artean, non, iruditzen zaidan guraso neriak balira bezela, maite eta zaitzen nautela.

Echekoandre eta nagusiyak, ez dute iñorekiñ agintze zorrotzik, baizikan, agindu bear duten guztiya agintzen dute, mesede aundiz eskatuaz, eta mintzaera guztiz šamurkirotsuan.

Umezurtz gelditu nitzanian iñoren arrimo gabe, lore šimurra usarik gabe bezela, gelditu zitzaidan biyotza amoriyorako zapuzturik. ¿Noratu zitekien bada. barrungo erapeko eder au, bakartasunez negargaiturik arkitu zan garayan? ¿Zer egiñ bear zuben moteltasun neurri gabeko arekiñ? ¿Gaišua, zeguen bill bill egiña, loria gabaz egoten dan bezela, bañan bere amoriyorako gaišotasunakin biraltzen zituen, gaišotasunezko oñazearen ageritzat begiyetara, malko garratz ugariyak, begi biyen ertzetatik aurpegiraturik, bere aultasuna araleratzeko.

¡Zer egun gogoangarriyak diran neretzat, gurasuen eriyotz ondorengo negargarri ayek!

¿Bañan zer? guztiyak era bat aztutzat usteko, biyotzak egin du amoriyo berrira bere astiñ aldi ederra, lurrak intzaz, era eguzkiyan berotzez egiten duben bezela.

Pizkor aldi aundiaren jabe da, bere maitasunarekin ordaiñgai edo katibagaitzat, biyotz amoriyo ugarizko eder egiazko bat pištu danielan garai onez beraganuntza.

¡Zer ongi aditu ziran aingeru zaitzalliak, nik egun batian egiñ niyon otoitz biyotzetikako ura!

Nik igaro nituben goze, eta ez bear naigabeko ayek, pake, eta izaera onezkuakin ordainduak izan dira, aingeru zaitzallearen bitartez, zerutik.

Nagusi eta echekoandriak, beren alaba banitzake bezela maite nauten, nik ere, zer esanik ez dago, bada gelditurik ni gelditu nitzan gisan, amoriyo edo maitasunari irteera eziñ emanik, eta arkitu detanian noratua, biyotzaren mugidaz, berielaz azaleratu ditut bere aginde gustiyak.

Jakiña dan bezela, Jaungoikuaren legeko agintzetan ere, amoriyua da išpillu edertzat erakusten zaigun lenengo agindea, eta beragatik, amoriyo gabeko biziera litzake, izaera moteleko legor, eta iño-zotsua.

Nagusi, eta echekoandriak maitatzeko maite nauten diña, nere langilletasun, eta on izatiaz gaiñ, dago bitarteko aunditzat, gure izaeraren neurgai zuzen, berdin gabeko amoriyua.

¿Amoriyo gabeko bat izan banitzan, eta asko diran bezela ontaz chinişmen gabia, irichiko al zitzaidan biyotza irichi dan maitasun mallara?

Ez deritzot: ¿eta otoitz eder ura, aingeru zaitzallia bitarteko jarrikerik zeruratuko al nuben? Orra bada, nola dan bearreko gauza eta almen aundikua, Jaungoikuaren legeko lenengo agintzan arkitzen degun agindea. ¡Amoriyua: amoriyua!

Onen indarrez sortzen zaizkigu
buruko chorabiyuak,
zortze lekutik uste gabian,
manchokirotsu iyua,
malgo garratz, ta pozdunen jabe
beti dan amoriyuak.

¿Nola ez naute bada ni maiteko nagusi eta echekoandriak, gerora aita eta ama deitu bear badiyotet? Bitarteko aundi orren bidez, beren seme bakar Dionisiok ezkeniya dauka bere biyotza neriaren trabeskaitzat.

Nik nai detan bezela Jaungoikuak nai badu, egun guchi barru izango gera elkarren; eta ala bear bada, eman dezaigula luzaroko osasuna, pake eder naikidatsuan gurasuen aldamenean bizitzeko, maitasun aundiya arkitu detan..... Ostatuan.

JUAN IGNACIO URANGA.

